

Көрсеткіш көңіл жадыратады

Ел Президентінің 2016 жылғы 18 қаңтардағы Жарлығына сәйкес, барлық деңгейдегі әкімдер мәслихат депутаттары алдында атқарған жұмыстары жайлы есеп беруге міндетті. Кеше шаһар басшысы Нұржан Әшімбетов 2019 жылдың бірінші жартыжылдығын қорытындылады.

Оралхан ҚОЖАНОВ

Құрылыс алға басты

Қала әкімінің баяндамасына зер салсақ, әр салада ілгерілеушілік байқалады. Мәселен, 6 айда 724,1 миллион теңгенің инвестициялық жобалары іске асыпты. Олардың қатарында «Шығыс» кенішіндегі 400 орынды тұрмыстық қорғуының, аммиак селитрасын сақтау қоймасының ашылуы, ауыз су қондырғысының орнатылуы сияқты жобалар бар. Бұл бағыттағы жұмыстар алдағы уақытта да жалғасын таппақ. Атап айтсақ, мұз сарайы мен аквапарктің құрылысы, «Maxi Mall» сауда орталығының екінші кезектегі құрылысы, «Alef Trade» ЖШС-нің қысқы дизельдік отын шығару жобасын іске қосу, техникалық кремний өндіру зауытының салынуы және тағы басқа елеулі зор жобалар тізімде тұр.

Мал мен техника көбеюде

Соңғы жылдары шағын және орта бизнес субъектілерінің үлесі артып келеді. Бұған мемлекеттік бағдарламалардың қолдауы орасан. Биылғы жартыжылдықта «Бизнестің жол картасы - 2020» бағдарламасы шеңберінде 44 жоба мақұлданды. Сөйтіп, бөлшек саудадағы тауар айналымы 12,7 пайызға, көтерме сауда айналымы 4,7 пайызға артқан. Апатаның әр сенбісінде ұйымдастырылатын жәрмеңке көптің көңілінен шығуда. Азық-түлік өнімдері нарықтағы бағадан 20-30 пайыз арзан бағаға саудаланса, тұрғындар қуанбай қайтсын?! Шаһар басшысының айтуынша, әу баста ет және сүт өнімдері аз жеткізіліп, тұтынушылардың наразылығын тудырған. Қазір жағдай тұрақты. Әр апта сайын жергілікті шаруа қожалықтары сиыр және жылқы етін молынан саудалауда. Қалқаман және Ақсу өңірлерінің кәсіпкерлері де сүт өнімдерін арзан бағаға ұсынуда. Осы орайда екібастұздық ардагерлер өңірде сүтті қайта өңдеу ісін дамытудың жай-жапсарын сұрады. Нұржан Әшімбетов сиыр саууға ешкімнің ынтасы болмағандықтан, 1 тонна сүт жинаудың өзі қиынға соғатынын жеткізді. Екіншіден, сүтті сиырды ұстау үшін шүйгін шөптің маңызы зор. Ондай жерлер Екібастұзда жоқтың қасы.

«Бүгінде суармалы шабындықты дамыту жобалары қолға алынуда. Бұл бағыттағы жұмыстар нәтижесін берсе, сүтті қайта өңдеу ісін табысты атқаруға болады, - деді шаһар басшысы. Жалпы, ауыл шаруашылығы өнімдерінің көлемі 55,2 пайызға артқан. Мал ба-
сының көбеюі



де байқалады. Әсіресе, былтырғы жартыжылдықпен салыстырғанда жылқы 114,8 пайызға өскен. Шаруа қожалықтары жалпы құны 77,8 миллион теңге тұратын 10 техника сатып алыпты. Ауыл шаруашылығы жобалары да кестеге сай жүзеге асуда. Атап айтсақ, «Greenhouse KZ» ЖШС қызанақ өсіретін жылыжай кешенін тағы 20 гектарға кеңейтуді көздеп отыр. Қала берді, Шықылдақ ауылында орналасқан «Жарсор» ЖШС мен «Жаңа-ауыл» шаруа қожалығының әрқайсысы 1000 бас малға арналған бордақылау алаңын іске қоспақшы. Соңғысы мал сою цехы мен етті қайта өңдеу цехын жаңғырту жобасын да қолға алуда.

Өңірімізде ауыл шаруашылығы мақсатындағы жерлерді түгелдей жұмыстары жүйелі жүргізілуде. Нәтижесінде алты айда игерілмеген 23 жер учаскесі (12,3 мың гектар) мемлекет меншігіне қайтарылыпты. 4 жер иесі айыппұл мөлшерін 10 есе артық төлеуге міндеттелген.



Ауыл суға кенелді

Қала әкімі тұрғындарды сапалы ауыз сумен қамтамасыз ету шараларын да тілге тиек етті. Жақында Төртүй ауылында орталықтандырылған ауыз сумен жабдықтау жүйесі қайта жаңғыртылып, іске қосылған болатын. Мұндай қуанышты кеше Құлақөл және Қарасор елді мекендерінің тұрғындары да атап өтті. Қалған ауылдарда да орталықтандырылған ауыз сумен



жабдықтау жүйесінің құрылысы жүріп жатыр. Сөйтіп, өңірімізде сапалы ауыз су мәселесі оң шешімін таппақ.

Қалалық мәслихат депутаты Серік Сәдуақасов орталықтандырылған ауыз сумен жабдықтау жүйесін сенімгерлік басқаруға беру жайын сұрады. Нұржан Әшімбетов Шықылдақ ауылындағы сумен жабдықтау жүйесі «Қабдыкерімов» жеке кәсіпкерлігіне берілгенін, тұрғындардың тарифті 400 теңгеге бекітуге қарсы еместігін жеткізді. «Ең бастысы - қос тарапты қанағаттандыратын тарифті бекіту. Осылайша, әр ауылда сенімгерлік басқарудан бас тартпайтын жеке

маршруты жазылған тақташайлар орнатуды сұрады.

Жолдар

Биыл жолдарды жөндеуге 3,9 миллиард теңге қаржы бөлініпті. Қаражатқа Екібастұз-Бесқауға, Бозшакөл-Шықылдақ, Шықылдақ ауылына кіреберіс жол, «Жарсор» ЖШС базасына апаратын жол жөнделуде. Қала көшелерінің жолы да басты назарда. Бұл іске жауапты мердігер ұйымдар битум қолдана отырып жолды тегіс бүтіндеуге көшіпті. Бұл әр шұңқырды жамаудан гөрі әлдеқайда сапалы екен. Бұдан бөлек, кварталішілік жолдарға асфальт төселуде.

Биыл қала бюджетінен 80 миллион теңге бөлініп, 5 балалар ойын кешенін салу жоспарлануда. «Богатырь Көмір» ЖШС өз қаражатына құны 20 миллион теңге тұратын ойын алаңын орнатуға уәде беріпті. Бозшакөл кен байыту комбинаты да қалыс қалмай, 84 миллион теңгеге 8 балалар ойын алаңын және 2 шағын футбол алаңын салуға ниеттеніп отыр.

Жылыту маусымы

Шаһар басшысы биыл қысқы жылыту маусымына дайындық ерте басталғанын жеткізді. Бүгінде көпқабатты тұрғын үйлердің 24 пайызы қысқа өзін. «Екібастұзжылуэнерго» ЖШС жұмыскерлері құбырларды оқшаулау жұмыстарын жүргізуде. «Горводоканал» мекемесі де су құбырларын жаңғырту шараларын қолға алуда. Қала әкімі қазір қос мекеме арасындағы даудамай шешімін тауып, дайындықтың кестеге сай атқарылып жатқанын атап өтті. Естеріңізге салсақ, «Павлодар жылу желілері» ЖШС өкілдері көпқабатты тұрғын үйлер мен жеке сектор аумағындағы жылу құбырларын су құбырларынан оқшаулау жұмыстарын жүргізіп келгенді. «Бұған дейін су құбырлары жылу құбырларымен қатар орналасқандықтан, қақаған аяздарға төтеп берген. Оқшаулау шаралары салдарынан аязда су құбырлары қатып, тұрғын үйлердің сусыз қалу қаупі зор. Биыл қыста мұндай проблемалар туындамауы тиіс, - деді Н.Әшімбетов.

Білім беру, денсаулық сақтау, әлеуметтік қорғау, спорт және мәдениет салаларында да атқарылған шаруа шаш-етектен. Қала ардагерлері тарапынан экология, абаттандыру мәселелері жайлы сауалдар жолданып, тиісті жауап берілді.

Суреттерді түсірген: Рымбек ЕГІНБАЙҰЛЫ

кәсіпкерлер табылатыны сөзсіз, - деді қала әкімі.

Абаттандыру

Шаһарды абаттандыру шаралары да тұрғындардың көңілінен шығуда. Екібастұздықтар қала көшелеріне қойылған 11 архитектуралық мүсін жайлы әлеуметтік желілерде жылы пікір қалдыруда. Қала билігі көшені жарықтандыру мәселесін де мықтап қолға алуда. Жақында Беркімбаев-Степная-Амангелді көшелерінің бойында әрқайсысының қуаты 100 Вт құрайтын 14 жарық шамы орнатылыпты. Ұзындығы 260 метр жолға орнатылған шамдар әжептәуір жерге жарығын төгіп тұр. «Шахтер» саябағын жарықтандыру мәселесі де назардан тыс қалмақ емес. Онда әрқайсысының 5 шамы бар екі жарықтандырығыш дінгек орнатылыпты. Алып өткеншек пен «Шақырақ» белгісі аумағына иллюминация жасалып, кешкі уақытта саябақ ерекше құлпыра түскен. Қаламыздағы 142 аялдама жөнделіп, жаңа кейіпке еніпті. Жиын барысында ардагерлер аялдамаға автобустардың